

ACTA DA SESION ORDINARIA DA XUNTA DE GOBERNO LOCAL CORRESPONDENTE O DÍA 20 DE XUÑO DO 2006.-

Na Casa Consistorial do Concello de Ribadavia, o día vinte de xuño de dous mil seis; a unha e media do mediodía xúntanse os señores que de seguido se sinalan para celebraren a sesión ordinaria da Xunta de Goberno Local correspondente a esta data: Alcalde-Presidente, don Marcos Blanco Jorge.- Concelleiros: Don Francisco Xabier Carreira Sebio, Dona Luisa del Carmen Escudero Centrón e Don José Ignacio Gómez Pérez.- Non asiste Dona Manuela Iglesias Collarte.-

Está presente o Secretario-Interventor Don Vicente Soto Rodríguez.

Aberta a sesión polo Sr. Alcalde, pásase de seguido ó estudio dos asuntos que conforman a anunciada Orde do Día, que resultan se-los seguintes:

1.- ACTA ANTERIOR.-

A Xunta de Goberno Local, por unanimidade, aproba o borrador da Acta da sesión anterior, que foi a celebrada o pasado 12 de Xuño do dous mil seis (Ordinaria).

2.- OBRAS MAIORES.-

Non houbo.-

3.- ESCRITOS DOS SEÑORES CIDADÁNS.

ACOMETIDAS DE AUGA.-

“Visto o escrito presentado por **don Manuel Martínez Miguelez**, desta Vila, con domicilio na rúa Ribeiro nº 5, Atico, no que prega se lle autorice a correspondente acometida de auga para o devandito inmovible, a Xunta de Goberno Local, por unanimidade, acorda conceder o dereito de acometida para o uso doméstico, que será supervisada pola empresa concesionaria do servizo; o interesado fará aboamento no Concello da cantidade de 42,07 euros, en concepto de dereitos de acometida, sen o cal requisito esta licenza ficará nula e sen efecto, de acordo co que establece a Ordenanza fiscal da taxa polo subministro de auga, artigo 4, parágrafo 2º, apartado a). Asemade, acorda tamén que se lle comunique este acordo á empresa concesionaria do servizo.”

“Visto o escrito presentado por **don Miguel Davila Alvarez**, con domicilio na rúa Porta Nova de Arriba nº 30, baixo, no que prega se lle autorice a correspondente acometida de auga para o devandito inmovible, a Xunta de Goberno Local, por unanimidade, acorda conceder o dereito de acometida para o uso industrial, que será supervisada pola empresa concesionaria do servizo; o interesado fará aboamento no Concello da cantidade de 42,07 euros, en concepto de dereitos de acometida, sen o cal requisito esta licenza ficará nula e sen efecto, de acordo co que establece a Ordenanza fiscal da taxa polo subministro de auga, artigo

4, parágrafo 2º, apartado a). Asemade, acorda tamén que se lle comunique este acordo á empresa concesionaria do servizo.”

“Visto o escrito presentado por **Phoneland Meflur S.L.**, con domicilio na rúa Ribeiro nº 5, baixo, no que prega se lle autorice a correspondente acometida de auga para o devandito inmovible, a Xunta de Goberno Local, por unanimidade, acorda conceder o dereito de acometida para o uso industrial, que será supervisada pola empresa concesionaria do servizo; o interesado fará aboamento no Concello da cantidade de 42,07 euros, en concepto de dereitos de acometida, sen o cal requisito esta licenza ficará nula e sen efecto, de acordo co que establece a Ordenanza fiscal da taxa polo subministro de auga, artigo 4, parágrafo 2º, apartado a). Asemade, acorda tamén que se lle comunique este acordo á empresa concesionaria do servizo.”

INFORME DA CORPORACIÓN MUNICIPAL.-

“Examinado o expediente promovido por **dona María Angeles Sanmarfull Rodríguez**, con domicilio na estrada de Filgueira nº 98, 2ºB, desta vila, en virtude da instancia nº 2953 de data 23 de maio de 2005, solicitando licenza municipal para apertura dunha lavandería, na planta baixa do local sito na rúa Ribeiro nº 68, deste termo municipal, actividade comprendida no Regulamento de Actividades Molestas, Insalubres, Nocivas e Perigosas, aprobado polo Decreto 2.414/1961 do 30 de Novembro.- RESULTANDO: que se cumpriron tódolos trámites de información pública así coma notificacións persoais aos veciños inmediatos incorporando os informes da Delegación Provincial de Sanidade e os informes técnicos municipais.- CONSIDERANDO: que o proxecto técnico en canto a súa posible repercusión sobre a sanidade ambiental e as medidas correctoras necesarias para garantir a tranquilidade, salubridade e seguridade cidadá e a súa adecuación ao medio ambiente, suxeitarase ao informe que emita a Delegación Provincial da Consellería de Medio Ambiente.- CONSIDERANDO: que o emprazamento proposto é conforme co uso urbanístico asignado a zona.- Visto o Decreto nº 2.414/1961 do 30 de Novembro e demais disposicións concordantes de aplicación, a Xunta de Goberno Local, por unanimidade, acorda: 1º.- Informar favorablemente a concesión da licenza instada por dona María Angeles Sanmarfull Rodríguez, solicitando licenza municipal para apertura dunha lavandería na planta baixa do local sito na rúa Ribeiro nº 68, deste termo municipal, xa que no expediente observáronse tódalas prescricións que establece o devandito Regulamento e disposicións complementarias.- 2º.- Dar traslado do expediente completo á Delegación Provincial da Consellería de Medio Ambiente da Xunta de Galicia, aos efectos previstos no artigo 33 do referido Regulamento en relación coa cualificación da actividade.”

4.- ESCRITOS OFICIAIS.-

A Xunta de Goberno Local, por unanimidade dos asistentes, toma coñecemento dos seguintes:

-“Da Delegación Provincial da Consellería de Sanidade, autorización sanitaria de reapertura das piscinas municipais”.

-“Da Confederación Hidrográfica do Norte, comunicando resolución sobre autorización de verquido de augas residuais, núm.. expte. V/32/00120D).”

-“Da Confederación Hidrográfica do Norte, comunicando resolución sobre autorización de verquido de augas residuais, núm.. expte. V/32/00120E).”

-“Do Tribunal Superior de Xustiza de Galicia, Sentencia recaída no procedemento Ordinario 0004779/2002”.

5.- CUESTIONS ECONOMICAS E ASUNTOS VARIOS.-

CAMPAMENTO DE VERAN.-

A Xunta de Goberno Local, por unanimidade, acorda a aprobación das tarifas para poder tomar parte no Campamento de verán ofertado polo Servicio Municipal de Deportes do Concello de Ribadavia, que se celebrará na localidade de Ribadeo (Lugo), dende o 1 ó 14 de Agosto vindeiro (émbolos dous inclusive): Non socios do Polideportivo, 140 euros; Socios do Polideportivo, 130 euros; Non residentes, 259 euros; Desconto por mais dun irman, 25% sobre o total. O número de prazas ofertadas é de 30. Idades: Nenos/as de 9 a 14 anos. Prazo para a reserva de praza: ata o 30 de xuño (Dárase un periodo de 10 días para posibles cancelacións de praza, a partir dese momento o interesado non tera dereito a devolución da cantidade ingresada).

XERACIÓN DE CRÉDITOS Nº 1/06.

A Xunta de Goberno Local, por unanimidade, aproba o expediente de xeración de créditos nº 1/06, por importe de 167.112 euros con cargo a compromisos firmes doutras Administracións Públicas para financiar gastos que pola natureza son competencia desta Administración Municipal.

ADXUDICACIÓN DO CONCURSO PARA A SUBMINISTRACION DUN TRACTOR CON ROZADOIRA E CON REMOLQUE PARA O CONCELLO DE RIBADAVIA.-

- “Visto o estado procedimental no que se atopa o expediente de contratación da subministración dun tractor con rozadoira e con remolque para o Concello de Ribadavia.

Resultando que durante o prazo hábil aberto a tal fin, presentáronse as seguintes proposicións:

- COMERCIAL MIIGUEL S.A.
- JOSE ESTEVEZ AS FERREIRAS .SL.
- AGRICOLA ORENSANA S.L..

Vistas as bases do concurso, en particular a base XV, e a proposta de adxudicación da Mesa de Contratación a favor de AGRICOLA ORENSANA S.L., a Xunta de Goberno Local, por unanimidade dos asistentes, acorda:

1º.- Declara válido o acto de licitación.

2º.- Adxudicar o concurso para a subministración dun tractor con rozadoira e con remolque a empresa **AGRICOLA ORENSANA S.L.**, con domicilio na avda.. de Zamora nº 55, Ourense por resultar a oferta máis vantaxosa para o Concello, sendo o importe de adxudicación de 87.500 euros e melloras que de adxuntan na oferta presentada pola empresa.

3º.- Comunicar ó adxudicatario que deberá proceder a constitución da garantía definitiva por importe do 4% da adxudicación no prazo de 30 días naturais seguintes a notificación da adxudicación.

4º.- Comunicar ó adxudicatario, que previa constitución da garantía definitiva, deberá procederse a formalización do contrato no prazo de 30 días naturais seguintes a notificación da adxudicación.

5º.- Proceder a publicación do acordo de adxudicación no BOP de conformidade co disposto no artigo 93 do RD Lexislativo 2/2000 polo que se aproba o Texto Refundido da Lei de contratos das Administracións Públicas.

6º.- Notificar o presente acordo ó adxudicatario, así como os licitadores non adxudicatarios aos que se lle deberá devolver a garantía provisional constituída ao efecto.”

CONCESION DE SUBVENCIONS.-

A Xunta de Goberno Local, por unanimidade, presta aprobación as seguintes subvencións:

A.P.A. C.P.I. “Tomas de Lemos”, en concepto de participación (Comparsa) no desfile do Entroido 2006, por importe de 420 euros.

Asociación Valparaiso, en concepto de participación (Comparsa) no desfile do Entroido 2006, por importe de 700 euros.

Asociación Fraicellus, en concepto de participación na Cabalgata de Reis 2006, por importe de 500 euros.

PREMIOS COMPARSAS ENTROIDO.-

A Xunta de Goberno Local, por unanimidade, presta aprobación os premios pola participación no desfiles do Entroido 2006 e que de seguido transcríbense:

A.P.A. C.P.I. “Tomas de Lemos”, 2º premio, por importe de 600 euros.

Asociación Valparaiso, 1º premio, por importe de 900 euros.

6.- ROGOS E PREGUNTAS QUE SE FORMULEN REGULAMENTARIAMENTE.-

Non houbo.-

E sendo as dúas e media do mediodía, o Sr. Alcalde, ergueu a sesión, estendéndose a presente, do cal, coma Secretario, certifico.

